

ZAPISNIK

Sa 10. proširene sjednice Upravnog odbora Udruženja poslodavaca FBiH, održane dana 26.02.2013. godine, sa početkom u 11:00 sati u prostorijama Arcelor Mittal, (Bulevar Kralja Tvrtka I br.17) u Zenici.

Sjednici su prisustvovali: gdin. Safudin Čengić, gdin. Vejsil Huremović, gdin. Suhad Ećo, gdin. Haris Muslić, gdin. Šaban Rizvić, gdin. Rasim Salčinović, gdin. Ermin Čengić (umjesto Midhata Terzića) gdin. Salko Kruho (umjesto Hameda Šivšića) i g-din. Predrag Čović.

Sjednici nisu prisustvovali: gdin. Anto Suton, gdin. Stipe Prlić, gdin. Miljenko Čolak, gđa. Edita Mulić, gdin. Haris Kuskunović i gdin. Josip Vukadin koji su opravdali svoj izostanak.

Sjednici su prisustvovali Premijer Vlade ZE-DO kantona, članovi delegacije ESV-a koji nisu članovi UO te članovi Udruženja poslodavaca iz ZE-DO kantona.

Sjednici su prisustvovali po dužnosti: gdin. Mladen Pandurević i Mersiha Jusić.

Uvodnu riječ dobrodošlice prisutnim uputio je predsjednik U.O. gdin. Sefudin Čengić, te se zahvalio kompaniji Arcelor Mittal i njihovom direktoru na današnjem gostoprimstvu.

Dobrodošlicu je također zaželio i gdin. Mukund V. Kulkarni direktor Arcelor Mittal kompanije i istakao da je za njega veoma značajno da bude član Udruženje poslodavaca. Također je ukratko prezentirao prisutnima rezultate 2012. godine i izazove 2013. godine kompanije Arcelor Mittal.

Nakon obraćanja gđina. Kulkarnija prisutnima se obratio Premijer ZE-Do kantona gđin. Fikret Plevljak koji se zahvalio na pozivu i pozdravio rad UPFBiH.

Nakon obraćanja gostiju predsjednik UO je predložio sljedeći:

DNEVNI RED

1. Usvajanje zapisnika sa 9. proširene sjednice Upravnog odbora UPFBiH;
2. Razmatranje Inicijative za donošenje Zakona o komunalnoj privredi na nivou FBiH;
3. Razmatranje Inicijative Privredne komore Kantona Sarajevo za osnivanje Udruženja poslodavaca;
4. Utvrđivanje mjesta, datuma i dnevnog reda za 12. Redovnu Skupštinu UPFBiH;
5. Informacija o aktivnostima Grupacije špeditera/logističara vezano za probleme sa kojima se susreću
6. Imenovanje predstavnika UPFBiH za člana Radne grupe za izradu prijedloga pojednostavljenog načina plaćanja javnih prihoda;
7. Imenovanje predstavnika UPFBiH za člana Radne grupe za izradu modela Zakona o obrazovanju odraslih u FBiH;
8. Tekuća pitanja
 - a) Informacija o Zakonu o štrajku;
 - b) Informacija o Zakonu o sigurnosti i zaštiti zdravlja na radu;

Dnevni red je usvojen u potpunosti.

RASPRAVLJANJE PO TAČKAMA DNEVNOG REDA:

Tačka 1 : Usvajanje zapisnika sa IX proširene sjednice Upravnog odbora;

Predsjednik UO je upoznao prisutne sa zapisnikom i otvorio raspravu.

ZAKLJUČAK: Obzirom da nije bilo primjedbi zapisnik je jednoglasno usvojen.

Tačka 2. Razmatranje Inicijative za donošenje Zakona o komunalnoj privredi na nivou FBiH

Vežano za ovu tačku dnevnog reda gđin. Selim Babić, član ESV-a i predsjednik UPKP, obzirom da je Udruženje komunalne privrede predlađač Zakona, je ukratko upoznao prisutne sa ovom tačkom dnevnog reda koju su već dobili u materijalima.

U svom izlaganju je istakao da je Udruženje/Udruga poslodavaca komunalne privrede u Federaciji BiH, razmatralo stanje i problematiku poslovanja javnih komunalnih preduzeća u FBiH. Ocijenjeno je da se ekonomski položaj javnih komunalnih preduzeća iz godine u godinu stalno pogoršava, te da zakoni o komunalnoj privredi nisu doneseni u svim kantonima ili su prepisivani oni predratni, ili se ne primjenjuju, što ne pruža adekvatan pravni okvir za poslovanje komunalnih preduzeća. Također je istakao da niti jednim propisom, pa ni starim Zakonom o komunalnim djelatnostima nije riješeno pitanje osnovnih principa i neophodnih minimalnih uslova za obavljanje komunalne djelatnosti. Zakon o komunalnim djelatnostima SR BiH (Službene novine SRBiH 20/90) je zastario u smislu društvenih promjena i savremenih normi, a i sa aspekta društvenopolitičkog i pravnog ustrojstva.

Donošenjem novog zakona bili bi regulisani osnovni principi komunalne privrede, te prava i obaveze javnih komunalnih preduzeća i njihovih osnivača, a sve u cilju izjednačavanja kriterija i propisa na osnovu kojih bi osnivači komunalnih preduzeća mogli donijeti podzakonske akte kojim će bliže regulisati opšte uslove za obavljanje komunalnih djelatnosti

S tim u vezi Na XII Skupštini Udruženja/Udruge poslodavaca komunalne privrede u F BiH, održanoj 03.10.2012. godine u Zenici, usvojen je konačan tekst radnog materijala Zakona o komunalnoj privredi u Federaciji BiH koji je dostavljen svim članovima UO.

Na kraju je gđin. Babić zamolio da se ovaj prijedlog uputi u Ekonomsko socijalno vijeće FBiH.

Nakon diskusije u kojoj su učestvovali članovi UO donešen je sljedeći:

ZAKLJUČAK: Svi prisutni su podržali Prijedlog Zakona o komunalnoj privredi u FBiH te je zaključeno da se uputi Prijedlog uputi Ekonomsko socijalnom vijeću FBiH.

Tačka 3. Razmatranje Inicijative Privredne komore Kantona Sarajevo za osnivanje Udruženja poslodavaca;

Vežano za ovu tačku dnevnog reda predsjednik je zamolio gđina. Pandurevića da ukratko izvjesti prisutne. Gđin. Pandurević je ukratko obavjestio prisutne da je Predsjednik PK Kantona Sarajevo gospodin Kemal Grebo, uputio pismo svojim kompanijama kojim traži delegiranje predstavnika za osnivačku skupštinu Udruženja poslodavaca. Radi se o potpuno neprincipijelnom pokušaju podjele poslodavačkog sektora, a sve zbog ličnih ambicija i frustracija, koja na kraju može dovesti do gubljenja dostignutih pozicija poslodavaca u tripartitnom dijalogu. Jedini razlozi za poziciju u kojoj se nalazi komora su, prema njima, nepostojanje obaveznog članstva i djelovanje Udruženja poslodavaca FBiH. Koliko je to tačno procijenite sami, istakao je gđin. Pandurević. U istim takvim uslovima djelujemo i radimo i to nam nije smetalo da kvalitetom svog rada u našem članstvu iz Kantona

Sarajevo imamo više od 2.500 poslodavaca znači 13 puta više nego PK Kantona Sarajevo. U pismu PK je iznijet veliki broj netačnosti i poluistina koje su već dostavljene svim članovima UO.

Nakon gđina. Pandurevića predsjednik UO je otvorio raspravu. U raspravi su učestvovali svi prisutni koji se složili da jesu za Privredne komore ali ne ovakve kakve jesu već da je potrebna reorganizacija PK. Također su se složili da je inicijativa PK u interesu uposlenika PK a ne članova PK.

Nakon diskusije donešeni su sljedeći:

ZAKLJUČCI: UO je zaključio da svaki poslodavac koji upošljava ima pravo da osnuje Udruženje poslodavaca. Uo se suprostavlja bilo kakvim inicijativama koje dolaze iz Privrednih komora odnosno inicijativa koje su u interesu uposlenika PK a ne članova PK. Zadužuje se UO i sve članice UPFBiH da se na pravi način objasni mjesto i uloga Udruženja poslodavaca i Privrednih komora. S tim u vezi UPFBiH je planiralo da organizuje Konferenciju „Mjesto i uloga UP i PK“ na kojoj bi angažovali 3-4 eksperta iz inostranstva i zemlje. Na Konferenciju će biti pozvani što veći broj kompanija iz FBiH.

U diskusiji su učestvovali svi prisutni i podržali navedene teze te predložili da se pored navedenog doda: odgovornost trećeg lica z aslučaj štrajka, mjesto organizovanja štrajka odnosno da se Zakonom reguliše da blokiranje saobraćajnica nije moguće te vrste štrajka, odnosno pripremiti primjedbe na član 3.

ZAKLJUČAK: Zkaljučeno je da će predstavnici UPFBiH u Radnoj grupi za izradu Zakona o štrajku zastupati navedene teze uz dodatne primjedbe koje su iznesene tj. da se pored navedenog doda: odgovornost trećeg lica za slučaj štrajka, mjesto organizovanja štrajka odnosno da se Zakonom reguliše da blokiranje saobraćajnica nije moguće te vrste štrajka, odnosno pripremiti primjedbe na član 3.

Tačka 4; Utvrđivanje mjesta, datuma i dnevnog reda za 12. Redovnu Skupštinu UPFBiH;

Vezano za ovu tačku dnevnog reda gđin. Pandurević je istakao da se prema Statutu kao i svake godine treba održati Skupština. Za razliku od prošle godine radi se o redovnoj a ne izbornoj Skupštini na kojoj će se usvajati materijali; Zapisnik, Izvještaji o radu, Esv-u, Finansijskom poslovanju, Program rada, Finansijski plan te izbor predsjednika i dva potpredsjednika Skupštine obzirom da je njihov mandat 1. Godina i da se biraju svake godine. Pored ovih tačaka za ovu Skupštinu je predloženo donošenje nove Odluke o visini članarine te Izmjene i dopune Statuta. Prijedlog je da se Skupština održi 19.03.2013.godine sa početkom u 12:00 sati a o mjestu će se naknadno dogovoriti.

Nakon diskusije donešen je sljedeći:

ZAKLJUČAK: Zaključeno je da se Skupština održi 19.03.2013.godine s apočetkom u 12:00 sati. Mjesto održavanja Skupštine će se naknadno utvrditi. Prijedlog dnevnog reda za Skupštinu je u potpunosti prihvaćen. Članovi UO će elektronski dobiti prijedloge materijala da se izjasne. Pozivnice će se uputiti 15 dana prije održavanja Skupštine a materijali 7 dana prije održavanja.

Tačka 5. Informacija o aktivnostiima Grupacije špeditera/logističara vezano za probleme sa kojima se susreću

Vezano za ovu tačku dnevnog reda gđin Mladen je ukratko upoznao prisutne o aktivnostima koje je imala Grupacija špeditera/logističara po pitanju komunikacija sa Upravom z aindirektno oporezivanje te Naredbom UIO.

Gđin. Salko Kruho je također upoznao prisutne sa aktivnostima Grupacije koje su do sada poduzeli u cilju rješavanja problema izazvanih teškoćama, kao posljedica Naredbi UINO BiH, a naročito Naredbe o nadležnosti carinskih ispostava za carinjenje određenih vrsta roba porijeklom iz Afrike i Azije.

Grupacija špeditera-logističara pri Udruženju poslodavaca FBiH je u saradnji sa UPFBiH poduzelo niz aktivnosti :

organizovan sastanak sa gđinom Džakulom; organizovan sastanak sa preko 50 kompanija iz oblasti špedicije; Zatražen je ponovo sastanak sa direktorom UINO BiH; Obratili se Sektoru za carine dopisom na temu nadležnosti CI; Upućen dopis sa zahtjevima prema UINO BIH; Upućen dopis sa aktuelnom problematikom institucijama, ambasadama i političkim partijama. Gđin Salko Kruho je istakao da je najveći problem nekomunikacija sa predstavnicima Vlasti. S tim u vezi istakao je da poslodavci ne smiju odustati i da trebaju insistirati na sastanku sa gđinom. Džakulom na kojem će mu iznijeti sve probleme.

Nakon diskusije u kojoj su učestvovali svi prisutni doneseni su sljedeći:

ZAKLJUČCI: Dogovoreno je da će Grupacija špeditera/logističara kao i druge članice UPFBiH koje imaju problema sa primjenom Naredbi UIO, u veoma kratkom roku pripremiti pitanja kojima ukazuju na probleme, pripremiti rješenja problema te tražiti sastanak sa predstavnicima UIO. Delegacija za sastanak će se formirati kada se odredi termin sastanak.

Tačka 6. Imenovanje predstavnika UPFBiH za člana Radne grupe za izradu prijedloga pojednostavljenog načina plaćanja javnih prihoda;

Gđin. Čengić je upoznao prisutne da je na našu inicijativu od Federalnog Ministarstva finansija stigao zahtjev za imenovanje člana radne Grupe za izradu Prijedloga pojednostavljenog načina plaćanja javnih prihoda.

Prijedlog je da se u radnu grupu imenuje gđin. Edin Lončarić iz Centrotrans-Eurolinesa iz Sarajeva. Gđin. Seid Kapetanović je predložio da se pored gđina Lončarića u Radnu grupu imenuje gđin. Merhudin Čehić iz Arcelor Mittala.

ZAKLJUČAK: Obzirom da je potrebna samo jedna osoba u Radnu Grupnu za izradu Prijedloga pojednostavljenog načina plaćanja javnih prihoda imenovan je gđin. Merhudin Čehić (Arcelor Mittal Zenica) iz Zenice.

Tačka 7. Imenovanje predstavnika UPFBiH za člana Radne grupe za izradu modela Zakona o obrazovanju odraslih u FBiH;

Gđin. Čengić je upoznao prisutne da je od Federalnog Ministarstva obrazovanja i nauke stigao zahtjev za imenovanje člana radne Grupe za izradu modela Zakona o obrazovanju odraslih u FBiH.

Prijedlog je da se za člana navedene radne grupe imenuje gđin. Seid Fijuljanin uposlenik UPFBiH iz Sarajeva.

ZAKLJUČAK: Obzirom da nije bilo drugih prijedloga za člana radne Grupe za izradu modela Zakona o obrazovanju odraslih u FBiH imenovan je gđin. Seid Fijuljanin.

Tačka 8. Tekuća pitanja;

Pod Tekućim pitanjima raspravljalo se o:

a) Informacija o aktivnostima vezano za Zakon o štrajku

Vezano za ovu tačku dnevnog reda gđin. Vejsil Huremović je obavijestio prisutne da je u Radnoj grupi za izradu Zakona o štrajku pored njega i gđin. Mirsad Čolaković. Do sada je održan jedan sastanak na kojem su predstavnici UPFBiH iznijeli svoje stavove i primjedbe. Također je istakao da su i predstavnici sindikata dali svoje primjedbe koje nisu opravdane. Gđin. Huremović je istakao da je generalna primjedba da bi se ova materija trebala urediti kroz zakon o radu a ne posebnim Zakonom kao to je to slučaj u Hrvatskoj. Također primjedba je i na član 3. Štrajk solidarnosti.

Zaključeno je da će članovi Radne grupe bez obzira na primjedbe Sindikata insistirati na stavovima koje je donio UO.

b) Informacija o Zakonu o sigurnosti i zaštiti na radu

Vezano za ovu tačku dnevnog reda gđin. Haris Muslić je upoznao prisutne da je pored njega u radnoj Grupi za izradu Zakona o sigurnosti i zaštiti na radu gđin. Hazim Zečević. Do sada je bio jedan sastanak Radne grupe na kojoj su dati primjedbe UPKP i Coca Cola HBC. Ove primjedbe bi se trebale objediniti i da idu kao primjedbe UPFBiH.

Zaključeno je da naši predstavnici u Radnoj grupi zauzmu stav da se učini sve da se zaštitii radnik i njegovo zdravlje na radu ali da se ne prouzrokuje šteta poslodavcu. Također je zaključeno da se svim članovima UO dostavi Zakon i da UO na sjednicama bude obavještavan o aktivnostima Rdane grupe te da o tome daje svoja mišljenja.

Sjednica je završena u 14:00 sati

Zapisnik sačinila:
Mersiha Jusić

Predsjednik UO UPFBiH
Safudin Čengić